



АҚПАРАТТЫҚ ХАБАР

2018 жылғы 31 қаңтар

Халық үшін қаржы құралдарының 2017 жылғы ұлттық валютадағы кірістілігі

Ұлттық Банк халық үшін түрлі қаржы құралдарының 2017 жылғы номиналды кірістілігі бойынша ұлттық валюта баламасындағы салыстырмалы түрдегі есебін жүргізді.

Жеке тұлғалардың қазақстандық банктердегі түрлі валютамен – теңгемен, Ресей рублімен (Қазақстан Республикасындағы банктердегі де, Ресей Федерациясындағы банктердегі де), АҚШ долларымен және еуромен банктік салымдары, қолма-қол доллардың, еуროның, Ресей рублінің және қолма-қол теңгенің сақталуы, сондай-ақ алтынға инвестициялау таңдап алынды (1-кесте).

Еуроға салынған салымдар. 2017 жылы ең көп кірісті бағам айырмасына байланысты еуроға салынған салымдар әкелді. Еуроаймақтағы жағымды өзгерістер нәтижесінде (экономиканың өсу қарқынының жылдамдауы, инфляцияның төмен деңгейінің сақталуы, Еуроаймақтың бірқатар елдерінде саяси тәуекелдердің төмендеуі) 2017 жылы еуро долларға қатысты 12,3%-ға нығайды. Соның нәтижесінде Қазақстанның депозиттерге кепілдік беру қоры белгілеген салымдар бойынша сыйақының ең жоғарғы мөлшерлемесін есептегенде еуромен мерзімді депозиттер бойынша кірістілік **15,3%**¹ болды, ал қолма-қол еуромен жинақ ақшаны сақтау **13%-ға** (2017 жылы еуროның теңге қатысты нығаюы) тең болатын кіріс әкелді.

Теңгемен депозиттерге салынған салымдар. Еуромен салынған депозиттермен салыстырғанда теңгемен салынған депозиттер де жыл ішінде **14,9%** мөлшердегі кірісті қамтамасыз ете отырып кіріс әкелді (есептеу кезінде жеке тұлғалардың ұлттық валютамен салынған депозиттері бойынша Қазақстанның депозиттерге кепілдік беру қоры ұсынған ең жоғары мөлшерлеме пайдаланылды, ол 2016 жылғы 1 ақпанда 14% болды).

Ресей рублімен салынған салымдар. Кірістілік бойынша келесі орында рубльмен салынған депозиттер болды. 2017 жылы Ресей рублі теңгемен салыстырғанда көбінесе Ресейдегі инфляция деңгейінің неғұрлым төмен болуы, сондай-ақ Қазақстан Ұлттық Банкінің базалық мөлшерлемесімен салыстырғанда Ресей Орталық банкінің негізгі пайыздық мөлшерлемесінің нақты көрсеткіш бойынша неғұрлым жоғары болуы нәтижесінде 6,3%-ға нығайды. Осылайша, ақшаны Ресейдің және Қазақстанның банктеріндегі рубльмен салынған салымдарға орналастырған кезде кірістілік Ресей банктеріндегі жылдық салымдар бойынша орташа алынған мөлшерлеме және Қазақстанның депозиттерге кепілдік беру қоры белгілеген салымдар бойынша сыйақының ең жоғары мөлшерлемесі негізінде тиісінше **13,4%** және **8,3%** болды. Көрсетілген кезде жинақ ақшаны қолма-қол Ресей рублімен сақтаған кезде өткен жылы **6,3%-ға** тең кірістілік алуға болатын еді.

Алтынға салынған салымдар. Алтынға салынған салымдар алтын бағасының 13,1%-ға өсуі және теңгенің АҚШ долларына 0,3%-ға нығаюы нәтижесінде **12,8%** мөлшерінде кірістілік әкелді. 2017 жылы дүниежүзінде алтынның ірі сатып алушысы ретінде Қытай, алтынды санкциялардың теріс әсерінен қорғау құралы ретінде пайдаланатын Ресей, сондай-ақ Таяу Шығыс елдері және Латын Америкасының кейбір елдері тарапынан үдемелі сұраныс алтын бағасының өсуінің негізгі факторы болды.

АҚШ долларына салынған салымдар. 2017 жылы теңгенің АҚШ долларына 0,3%-ға нығаюы аясында осы валютаға салынған салымдар инвестициялаудың ең нашар нұсқасы болды. Мәселен,

¹ Осы жерде және бұдан әрі номиналды кірістіліктің теңгемен баламасы көрсетіледі

мерзімді доллар салымдары бойынша кірістілік **1,7% болды**, ал қолма-қол АҚШ долларын сақтау **0,3%** мөлшерде теріс кірістілік әкелді.

Жылдық инфляцияның деңгейін ескере отырып, 2017 жылы 7,1% болатын қолма-қол теңгеге, Ресей рубліне, АҚШ долларына салынған салымдар салымшыларға нақты көрсеткіш бойынша теріс кірістілік әкелді.

2017 жылы түрлі қаржы құралдарына салынған салымдардан түскен кіріс

Бастапқы инвестиция сомасы 10 000 теңге

Ақшаны орналастыру нұсқасы	валюталар бағамы / алтынның бағасы:		Кезең басындағы сома:		Сыйақы мөлшерлемесі	Жинақталған сома, теңге	Алынған кіріс, теңге	Теңгемен баламадағы кірістілік, %
	31.12.16 ж. жағдай бойынша	31.12.17ж. жағдай бойынша	теңгемен	тиісті бағам бойынша				
Мерзімді теңге депозиті	-	-	10 000	10 000,0	14%	11 493,4	1 493,4	14,9
Мерзімді доллар депозиті	333,29	332,33	10 000	\$ 30,00	2%	10 172,5	172,5	1,7
Мерзімді еуро депозиті	352,42	398,23	10 000	€ 28,4	2%	11 528,0	1 528,0	15,3
Ресей рублімен ҚР-дағы мерзімді депозит	5,43	5,77	10 000	1 841,6 р.	2%	10 828,0	828,0	8,3
Ресей рублімен РФ банктеріндегі мерзімді депозит	5,43	5,77	10 000	1 841,6 р.	6,96%	1 974,0 р.	132,3 р.	7,2
						11 344,8	1 344,8	13,4
Қолма-қол АҚШ долларының сақталуы	333,29	332,33	10 000	\$ 30,00	-	9 971,2	-28,8	-0,3
Қолма-қол еуроның сақталуы	352,42	398,23	10 000	€ 28,4	-	11 299,9	1 299,9	13,0
Қолма-қол теңгенің сақталуы	-		10 000	10 000 тг	-	10 000,0	0,0	0,0
Қолма-қол Ресей рублінің сақталуы	5,43	5,77	10 000	1 841,6 р.	-	10 626,2	626,2	6,3
Алтынға салынған инвестициялар	1 151,46	1302,45	10 000	10 000 тг	-	11 278,7	1 278,7	12,8

Ескертпе:

- салыстыру үшін ай сайын капиталдандырылатын 12 айлық тарту мерзімімен депозиттер қарастырылды;
- теңгемен және шетел валюталарымен (АҚШ долларымен және еуромен) депозиттер бойынша «Қазақстанның депозиттерге кепілдік беру қоры» АҚ барынша жоғары ұсынылған мөлшерлемелері есепке алынды: теңгемен - 14%, шетел валютасымен - 2%;
- Ресей банктеріндегі Ресей рублімен депозиттер бойынша мерзімі 181 күннен бастап 1 жылға дейінгі депозиттер бойынша 2017 жылғы қаңтардағы орташа алынған 6,96%-дық мөлшерлеме есепке алынды.

Толығырақ ақпаратты мына телефон бойынша алуға болады:

+7 (727) 270 45 85

e-mail: press@nationalbank.kz

www.nationalbank.kz

